



Dato: 29. november 2022
Kontor: Nordatlantkontoret
Sagsbeh: Maise Biørn Jørgensen
Sagsnr.: 2019-731-0044
Dok.: 2655698

MISSINGIUT

Kalaallit Nunaanni politiit sulinerannut atatillugu sumiiffinni siunnersuisartut pillugit nalunaarut nr. [...] , [...] -imeersoq

Kalaallit Nunaannut eqqartuussinermut inatsit § 62 d, imm. 6, tun-ngavigalugu, tak. Inatsit pillugu nalunaarut nr. 1581, 13. december 2016-imeersoq kingullermik allannngortinneqartoq inatsit nr.572, 10. maj 2022-meersukkut, ima aalajangiisoqarpoq:

§ 1. Kalaallit Nunaannut eqqartuussinermut inatsimmi § 62 c, imm. 1-ip kingorna sumiiffimmi Kalaallit Nunaanni politiit sulinerat pillugu siunnersuisartussanik pilersitsisoqassaaq

Imm. 2. Sumiiffimmi siunnersuisartut Kalaallit Nunaannut eqqartuussinermut inatsimmi § 62 d, stk. 1-5-imit allassimasut tunngavigalugit isumagissavaat suliassanngortut.

§ 2. Politiit naalagaat sumiiffimmi siunnersuisartunut siulittaasuvoq pilersissallugulu tassunga allattoqarfissaaq, siunnersuisartut sullinnissaanut akisussasuusussaaq.

Imm. 2. Naalakkersuisut kommunillu sinniisai allattoqarfiup pilersaarsiornerini siunnersuisartullu ataatsimiinnissaannik piareersaasiornerani ikiuussinnaapput.

§ 3. Politiit naalagaat sumiiffimmi siunnersuisartunik minnerpaamik uki-umut marloriarluni ataatsimiigiaqqusisassaaq. Aammali sumiiffimmi siunnersuisartunut ilaasortasoq ataaseq arlaqartulluunniit politiit naalagaannut saniatigut ataatsimiinnissamut aggersaaqqullugu qinnuigisinnaavaat.

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

Imm. 2. Siunnersuisartunut ilaasortaangitsut taassuma ataatsimiinnerani najuussinnaatitaapput, tamanna pisariaqartinneqartillugu peqqutigalugu pineqartut ataatsimiissutigineqartussamut atatillugu immikkut ilisimasaqarnerat.

Imm. 3. Sumiiffimmi siunnersuisartut aalajangiisinnaapput, avataaneersut siunnersuisartut ataatsimiinnerat tamakkiisumik ilaannakuusumilluunniit najuuffigisinnaagaat. Taamatulli akuersisoqassappat, taava siunnersuisartuni ilaasortaasut amerlanerussuteqartut tamatumunnga akuersinissaat, aalajangiinerullu siunnersuisartunut siulittaasuusumit aamma ilalernerqartumik, aatsaat pisinnaavoq.

§ 4. Politiit naalagaata sumiiffimmi siunnersuisartut paasissutissanik tunniussivigiumangissinnaavai, taamaaliornissaq naalagaaffiup isuman-naatsumik ingerlanissaanut, nalagaaffiup illersornissaanut, nunanut allanut attaveqarnermut, inuiqatigiit iluanni ingerlatsivinnut, pitsaaliuinissamut, qulaajaanissamut, inatsisinik unioqqutitsinernut atatillugu malersuinissanut imal. inuit ataasiakkaat inuunerannut aningaasaqarnermullu tunngasunut, tamanna annertuumik mianerinninnissamut kalluaattutut nalileruniuk.

§ 5. Sumiiffimmi siunnersuisartut politiit naalagaannut inassuteteqarsimappata, tak. Kalaallit Nunaannut eqqartuussinermut inatsimmi § 62 d, imm. 4, 2. imm, taava politiit naalagaat siunnersuisartunut malerugassiaasut pillugit ilisimatitsissuteqassaaq, nassuiaallugit peqqusineq malittarisassat tunngavigalugit qanoq ingerlassasoq. Politiillu naalagaata siunnersuisartunit peqqusineq malinneqarsinnaangitsutut isigiguniuk, taava siunnersuisartut sapinngisamik piaarnerpaamik kingusinnerpaamillu ataatsimiinnissap tulliani tamatuminnga ilisimatissavai.

§ 6. Siunnersuisartunut ilaasortat paasissutissat mianernartut pillugit nipangiussisussaataapput, tak. aqutsinissamik inatsimmi peqqussummi Kalaallit Nunaannut atuuttussangortitaanikuusumi, nr. 1188, 27. december 1994-imeersumi § 27. § 3, imm. 2 naapertorlugu nipangiussisussaataapputtaaq kikkut, siunnersuisartut ataatsimiinneranni peqataasut.

§ 7. Sumiiffimmi siunnersuisartut suleriaasissartik namminneq aaliangisavaat.

§ 8. Nalunaarut atuutilissaaq 1. januar 2023.

Inatsisinik atuutsitsinermut ministereqarfik, ulloq [...]

Mattias Tesfaye

/ Marie Green